



ЭХ ОРОН НАМД

ҮНДЭСНИЙ АУДИТЫН ГАЗАР
НИЙСЛЭЛ ДЭХ
ТӨРИЙН АУДИТЫН ГАЗАР

14200 Улаанбаатар хот, Сүхбаатар дүүрэг, 8 дугаар хороо,
Г.Амарын гудамж, Соёлын төв өргөө, Г корпус, 5 давхар,
Утас: 7000 7734, Факс: (976-11) 32 01 54,
И-мэйл: ub@audit.gov.mn, Вэбсайт: www.audit.mn

2024. 08. 07 № 1111

танай _____ -ны № _____ -т

Сонгуулийн мөрийн хөтөлбөр хуульд
заасан шаардлагад нийцсэн талаарх
дүгнэлт

Төрийн аудитын тухай хуулийн 6 дугаар зүйл, Аймаг, нийслэл, сум, дүүргийн иргэдийн Төлөөлөгчдийн хурлын сонгуулийн тухай хуулийн 37 дугаар зүйлийн 37.5, Хөгжлийн бодлого төлөвлөлт, түүний удирдлагын тухай хуулийн 5 дугаар зүйлийн 5.4-д заасан Төрийн аудитын байгууллагын бүрэн эрхийн хүрээнд 2024 оны нийслэлийн иргэдийн Төлөөлөгчдийн Хурлын ээлжит сонгуульд оролцох Эх орон намын сонгуулийн мөрийн хөтөлбөрийг хянаж, дүгнэлт гаргалаа.

Үүрэг хариуцлагын талаарх мэдээлэл

2024 оны нийслэл, дүүргийн иргэдийн Төлөөлөгчдийн Хурлын ээлжит сонгуульд оролцох нам, эвсэл /бие даан нэр дэвшигч/ нь сонгуулийн мөрийн хөтөлбөрөө Аймаг, нийслэл, сум, дүүргийн иргэдийн Төлөөлөгчдийн хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, "Алсын хараа-2050", Монгол Улсын урт хугацааны хөгжлийн бодлого, Улсын Их Хурлаас баталсан хөгжлийн бодлого, төлөвлөлтийн баримт бичиг, Нийслэлийг 2021-2025 онд хөгжүүлэх таван жилийн үндсэн чиглэлд нийцүүлэн боловсруулж санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын талаарх тооцоо судалгааг гарган хуульд заасны дагуу дүгнэлт гаргуулах үүрэг хүлээн.

Сонгуулийн мөрийн хөтөлбөрийн дүгнэлтийн үндэслэл

Төрийн аудитын байгууллага нь 2024 оны нийслэл, дүүргийн иргэдийн Төлөөлөгчдийн Хурлын ээлжит сонгуульд оролцох нам, эвсэл болон бие даан нэр дэвшигчийн сонгуулийн мөрийн хөтөлбөрийг хянан үзэхдээ Төрийн аудит MNS 6817-1:2020 Төрийн аудит Тулгуур зарчим, MNS 6817-6:2020 Төрийн аудит, Нийцлийн аудитын зарчим, MNS 6817-8:2020 Төрийн аудит Нийцлийн аудитын стандартыг удирдлага болгон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, "Алсын хараа 2050", Монгол Улсын урт хугацааны хөгжлийн бодлого, Улсын Их Хурлаас баталсан хөгжлийн бодлого, төлөвлөлтийн баримт бичиг, Монгол Улсын нэгдсэн төсвийн 2024 оны төсвийн хүрээний мэдэгдэл, 2025-2026 оны төсвийн төсөөллийн тухай хууль, Нийслэлийг 2021-2025 онд хөгжүүлэх таван жилийн үндсэн чиглэл холбогдох

байгууллагаас авсан тайлан, судалгаа мэдээллийг тус тус шалгуур болгон авч үзсэн.

Дүгнэлт

Эх орон намын нийслэлийн иргэдийн Төлөөлөгчдийн Хурлын 2024 оны ээлжит сонгуульд оролцохоор ирүүлсэн сонгуулийн мөрийн хөтөлбөрийн зорилт, арга хэмжээ нь Аймаг, нийслэл, сум дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.3 дахь хэсэг, Хөгжлийн бодлого төлөвлөлт, түүний удирдлагын тухай хуулийн 5 дугаар зүйлийн 5.3 дахь хэсэг, Төсвийн тогтвортой байдлын хуульд заасан тусгай шаардлагад тус тус нийцсэн байна.

Эх орон намын мөрийн хөтөлбөр /.....⁶ хуудас/-ийг хавсаргав.

Хувийг Нийслэлийн Сонгуулийн хороонд

ДАРГА, ТЭРГҮҮЛЭХ
АУДИТОР

М.ЭРДЭНЭЖАРГАЛ





Эх орон намын УТЗ-ийн хурал
2024 оны 03 сарын 17-ны өдөр

УРИА: ЭХ ОРНОО МОНГОЛЧУУД ХӨГЖҮҮЛНЭ.

АЙМАГ, НИЙСЛЭЛ, СУМ, ДҮҮРГИЙН ИТХ-ЫН 2024 ОНЫ ЭЭЛЖИТ СОНГУУЛЬД
ОРОЛЦОХ МӨРИЙН ХӨТӨЛБӨР

ЭХ ОРОН НАМ

Эх орон нам: Улс, үндэсний аюулгүй байдал, иргэнийхээ эрхийг бүх түвшинд чандлан хамгаалж, уламжлал хийгээд, орчин цагийн соёл иргэншил, хууль, эрх зүйт төр, нийгмийн тогтолцоог бий болгохын төлөө ажиллана.

Эх орон намд итгэл үзүүлснээр:

- Үндэсний эв нэгдлийг эрхэмлэж, хүний хөгжлийг дээдлэн ард түмнийхээ өөртөө итгэх итгэлийг сэргээнэ.
- Нийслэл хотоо уламжлал, шинжлэх ухаан технологийн дэвшилд тулгуурласан инновацлаг орчин үеийн нийслэл хот болгон.
- Аймаг, нийслэл, сум, дүүргийг авлига, хээл хахууль, албан тушаалын гэмт хэргээс ангид байлган.

УЛС ОРНЫ ӨНӨӨГИЙН БАЙДАЛ

Монголчууд бид ардчилал зах зээл, хүний эрх, эрх чөлөөг дээдэлсэн нийгмийн тогтолцоог сонгож “Улс төрийн тусгаар тогтолоо” жинхэнэ утгаар нь олж аван, төр улсынхаа үйл хэргийг өөрсдөө шийдэх болсноор улс орон, ард иргэдийн маань ахуй амьдралд үлэмж өөрчлөлт, ахиц гарсан.

Хэдий ийм ч нийгмийн баялгийг шударгаар хуваарилах зарчим алдагдаж, нам дамнасан улс төр, эдийн засгийн бүлэглэл, тэднийг тойрон хүрээлэгчид хууль, шударга ёсыг завхруулах, улс орноо ил далдаар тонон дээрэмдэх болсноор улс орны хөгжлийн хурдцыг сааруулж, ард түмний төрд итгэх итгэлийг алдагдуулж, иргэдийн олонх нь ядуурал, нийгмийн тэгш бус харилцааны золиос болж байна.

Монгол орны байгалийн баялгийн асар их нөөц лиценз хэлбэрээр дотоодын дамчид, гадаадын компаниудын мэдэлд шилжиж, тэр хэрээр бид түүхий эдийн хавсраг төдий орон болсон нь улс орны эдийн засгийн тусгаар тогтол, үндэсний аюулгүй байдалд аюул учруулах бодит нөхцөл болоод байна.

Дэлхий нийтийг хамарсан эдийн засгийн хямрал, давагдашгүй хүчин зүйлийн нөлөө хийгээд, засаглалын доройтол нь улс орны амьдралд нөлөөлж, үнийн өсөлт, инфляц хэрээс хэтэрч, ард түмний амьжиргааны түвшинг улам бүр доройтуулсаар байна.

Улс орон, ард иргэдийнхээ улс төр, эдийн засгийн эрх чөлөөг улам бүр баталгаажуулж, үндэсний аюулгүй байдлыг хангах үүднээс төрийн хүлээх үүрэг

1117146-3
УХЗ00123456789

С Г



хариуцлагыг өндөржүүлэн, улс орны хөгжилд саад болж буй “хонгилын тогтолцоо”-ноос нэн даруй салах зайлшгүй шаардлагатай байна.

Иймд Үндсэн хуулиа дээдлэн шат шатны сонгуульд хариуцлагатай сонголт хийхийг Эх орон нам уриалж байна.

НЭГ. ЭДИЙН ЗАСГИЙН ЗОРИЛТ

Эх орон нам улс орноо бүсчилсэн хөгжлийн бодлогоор хөгжүүлнэ.

1.1 ЕРӨНХИЙ ОЙЛГОЛТ

1.1.1 Монгол улсыг бүсчлэн хөгжүүлэх үзэл баримтлалыг “тунхаглал”-аас бодит бодлого болгож, эдийн засгийн бус нутгуудыг орчин цагийн дэд бүтцээр бүрэн хангах нөхцөлийг бүрдүүлнэ.

1.1.2 Бус нутаг, орон нутаг, нийслэлийн эдийн засгийн чадамжийг нэмэгдүүлж, өөрийгөө санхүүжүүлэх зарчимд шилжүүлэх замаар төсвийн алдагдлыг бууруулна. Улс, орон нутаг, нийслэлийн төсвийн зардлын бүтцийг оновчтой болгоно.

1.1.3 Бүсчлэн хөгжүүлэх бодлоготой уялдуулан татварын бодлогод дараах өөрчлөлтийг оруулна. Үүнд:

- Үндэсний үйлдвэрлэлийг дэмжих, дотоодын зах зээлийг гадаадын чанаргүй бараа, бүтээгдэхүүнээс хамгаалах, үйлдвэрлэлд орчин үеийн техник технологи нэвтрүүлэх сонирхлыг урамшуулах зорилгоор импортын барааны гаалийн татварыг ялгавартай тогтооно.
- Орон нутаг, нийслэлд дотоод, гадаадын хөрөнгө оруулагчдыг татах таатай нөхцөлөөр хангана.
- Мал аж ахуйн түүхий эд, эрдэс баялаг боловсруулах үйлдвэрлэлийг татварын бодлогоор дэмжиж хөгжүүлнэ.
- Бус нутгийн байршилаас хамааран цалин тэтгэвэр тэтгэмжийн сүлжээг ялгавартай тогтоох **эрхзүйн орчныг бүрдүүлж**, татварын бодлоготой **ялдуулна**.

1.1.4 Ажилгүйдлийг бууруулж, цалин тэтгэврийг үнэ ханшийн өсөлт, улс орны эдийн засгийн чадамжтай уялдуулан шат дараатайгаар нэмэгдүүлэх бодлого баримтална.

1.1.5 Төрийн албаны болон төрийн үйлчилгээний албан хаагчдын цалингийн сүлжээг тооцоходоо бүсчилсэн байдлаар ялгавартай тогтооно.

1.2 АЖ ҮЙЛДВЭР, ДЭД БҮТЭЦ

Бус нутаг бурийг тэнцвэртэй хөгжүүлэх, улс орны эдийн засгийн чадамжийг дээшилүүлэх, эрчим хүчний болон түүхий эд боловсруулах үйлдвэрүүдийг бий болгох бодлогыг тууштай баримтална.

1.2.1 Эдийн засгийн хөгжлийн бусуудэд одоо байгаа эрчим хүчний эх үүсвэрүүдэд техник технологийн шинэчлэл хийж хүчин чадлыг нэмэгдүүлэх, байгаль орчинд нөлөөгүй сэргээгдэх эрчим хүчний шинэ эх үүсвэрүүдийг бий болгох бодлогыг тодорхой болгож, дэс дарааг тогтооно.

11171456
УХААНЫ САЛБАРЫН
ДАЧИГ



1.2.2 Бүх аймаг сумын төвүүд, нийслэл хот, дүүргүүд, суурин газар, суурьшлын бүсүүдэд хот төлөвлөлтийн ерөнхий төлөвлөгөөний зураг-төсөл боловсруулах ажлыг дэс дараатайгаар улсын төсвийн хүрээнд авч хэрэгжүүлэх **эрх зүйн орчныг бүрдүүлнэ.**

1.2.3 Зам, гүүрийн байгууламжийн зураг төсөл, эрдэм шинжилгээ судалгааны ажлыг шинэ түвшинд гаргах, лаборатори байгуулах, аймаг, нийслэлд өмчийн олон хэлбэрт суурисан зам гүүрийн ажил эрхлэх байгууллагыг бий болгож, үйл ажиллагааг тогтмолжуулах, замын арчлалт үйлчилгээг **гүйцэтгэх эрх зүйн орчныг бүрдүүлнэ.**

1.2.4 Стратегийн ач холбогдолтой орд газрыг ашиглах асуудлыг иргэний нийгмийн болон байгаль орчны чиглэлээр ажилладаг төрийн бус байгууллага, орон нутгийн иргэдийг оролцуулан ил тод шийдвэрлэж байна.

1.2.5 Хүнсний аюулгүй байдал, түүний үйлдвэрлэл, нийлүүлэлтэд тавих хяналтыг боловсронгуй болгож, чанаргүй хүнсний болон бусад өргөн хэрэглээний бараа бүтээгдэхүүний импортыг хязгаарлах, олон улсын чанар стандартын жишигт хүрсэн, экологийн цэвэр хүнсний бүтээгдэхүүн, бусад өргөн хэрэглээний бараа бүтээгдэхүүний үйлдвэрлэлийг дотооддоо бий болгох хөрөнгө оруулалт, санхүү зээлийн бодлого боловсруулж хэрэгжүүлснээр бүх аймаг, сум, нийслэл, дүүргүүд, суурин газруудад жижиг үйлдвэрлэл хөгжих нөхцөлийг хангана.

1.2.6 Барилгын материалын үйлдвэрлэлийг эрчимжүүлэх зорилгоор түгээмэл тархацтай ашигт малтмалын ашиглалтыг орон нутаг, нийслэлд нэмэгдүүлэх **эрх зүйн орчныг бүрдүүлнэ.**

1.3 МАЛ АЖ АХҮЙ, ГАЗАР ТАРИАЛАН

Мал аж ахуй, газар тариалангийн салбарын үр ашигийг нэмэгдүүлж, аюулгүй эрүүл, экологийн цэвэр хүнс, бүтээгдэхүүнээр ард иргэдийг хангана.

1.3.1 Хүнсний эрүүл ахуй, био аюулгүй байдлын үндэсний лаборатори хяналтын тогтолцоог бий болгож, бус нутгуудын салбар байгууллагуудыг нэгдсэн удирдлагаар хангана.

1.3.2 Уламжлалт аргаар мал аж ахуй, газар тариалан эрхлэх асуудлыг эрчимжсэн аргатай хослуулан хөгжүүлэх асуудлыг төрийн бодлого болгон дэмжиж, нүүдлийн соёл иргэншил, ахуй, өв уламжлалыг хамгаалах, хойч үедээ өвлүүлэх бодлогыг хэрэгжүүлнэ.

1.3.3 Аймаг, нийслэлд орон нутгийн өмчид суурисан мал нядалгааны газар, мах, хүнсний ногооны нөөцийн агуулахын аж ахуй байгуулж, малчид тариаланчдыг эрсдэлээс хамгаална.

1.3.4 Газар тариалангийн эргэлтийн талбай, га-гаас авах ургацын хэмжээг 2 дахин нэмэгдүүлж жилд дунджаар 550-600 мянган тонн үр тариа хураан авч дотоодын гурилын хэрэгцээг бүрэн хангана.

1.3.5 Төмс, хүнсний ногоогоор дотоодын хэрэгцээг бүрэн хангана.

1.3.6 Байгалийн хадлан бэлтгэх ажлыг нийслэл хот болон орон нутагт нэмэгдүүлж, малын шимт тэжээл үйлдвэрлэлийн салбарыг шинээр бий болгохыг **зорино.**

111714563
УХА06129078



1.4 БАЙГАЛЬ ОРЧИН, ТОГТВОРТОЙ ХӨГЖИЛ

Байгалийн баялгийн нөөцийн менежментийн салбар хоорондын эрх зүүн зохицуулалтыг боловсронгуй болгоно.

1.4.1 Байгалийн баялгийн нөөцийг экологи-эдийн засгийн үнэлгээний үндсэн дээр ашиглаж, иргэдийн ажлын байр, орлогын нэмэлт эх үүсвэрийг бий болгоно.

1.4.2 Орон нутаг, нийслэлд ашиглаж буй түгээмэл тархацтай ашигт малтмалыг ашиглах (элс хайраны карьер) дэвшилтэй технологи нэвтрүүлэн доройтсон, бохирдсон орчны нөхөн сэргээлтийг иж бүрэн хийж, иргэдийн эрүүл амьдрах орчныг бүрдүүлнэ.

1.4.3 Газрыг ашиглах, эзэмших, өмчлөх харилцааг зах зээлийн эдийн засгийн нийтлэг жишигт нийцүүлэн газрын салбар дундын нэгдсэн тогтолцоог бүрдүүлэх, байгалийн бүх төрлийн баялгийг хамгаалах, нөхөн сэргээх цогц бодлогыг хэрэгжүүлнэ.

1.4.4 Байгаль орчны тэнцвэрт байдлыг хадгалж хөрсний эвдрэл, цөлжилт, хээрийн түймэр зэргээс урьдчилан сэргийлнэ. Байгалийн баялаг, ашигт малтмал олборлож байгаа аж ахуйн нэгжүүдээс "Байгалийн нөхөн сэргээлтийн сан" бүрдүүлнэ.

1.4.5 Ус, агаар, хөрсний бохирдоос урьдчилан сэргийлэх, хог хаягдлын менежментийг хэрэгжүүлэх цогц арга хэмжээ авч хэрэгжүүлнэ.

1.4.6 Аялал жуулчлалын үйлчилгээний чанар стандартыг дэлхийн төвшинд хүргэх арга хэмжээг хэрэгжүүлнэ.

ХОЁР. НИЙГМИЙН ЗОРИЛТ

2.1 ЭРҮҮЛ МЭНД

Монгол Улсын хөгжлийн гол эх сурвалж хийгээд туйлын зорилго нь хүний хөгжил мөн. Хүн ам мэдлэг боловсролтой, эрүүл энх, боломжийн орлоготой байх нь хүний хөгжлийг хангах чухал нөхцөл гэж үзэж байна.

2.1.1 Эмнэлгийн үйлчилгээ, чанарын түвшинг ахиулж, бүсийн оношилгооны төв, аймгуудын болон дүүргүүдийн нэгдсэн эмнэлгүүдийг 3-р шатлалын эмнэлгийн түвшинд хүргэх бодлого боловсруулна. Үүнд:

- Эмнэлгийн барилга байгууламжуудыг орчин үеийн эмнэлгийн шаардлагад нийцүүлэх арга хэмжээ авна.
- Эмнэлгүүдийг орчин үеийн эмчилгээ оношилгооны тоног төхөөрөмжөөр хангах, шинэчлэх асуудлыг нэгдсэн бодлогоор зохион байгуулна.

2.1.2 Төрөлтийг дэмжих эдийн засгийн бодлогыг төрөөс авч хэрэгжүүлнэ. Сум, дүүрэг бүрт төрөхийн өмнөх, дараах амралт, сувилгааны газрыг сэргээн тохижуулна. Эх нялхсын эндэгдлийг зогсоох зорилт тавина.

2.1.3 Нийслэл (дүүргүүд) аймгуудад орчин үеийн тоног төхөөрөмжтэй оношилгоо, эмчилгээний төвийн хүртээмжийг нэмэгдүүлэх.

2.1.4 Бүх хүнийг эрүүл мэндийн даатгалд хамруулах бодлого баримталж, даатгалын тогтолцоог боловсронгуй болгоно.

2.1.5 Ардын уламжлалт анагаах ухааны үр нөлөөтэй аргуудыг орчин үеийн анагаах

1117145633
УХА0612 9077278



ухаантай зохистой хослуулан хөгжүүлэх бодлого баримталж, эмийн үйлдвэрлэлийг өргөжүүлнэ.

2.2 БОЛОВСРОЛ

2.2.1 Нийслэл, дүүргүүд болон аймаг сумдын бүх шатны сургуульд түүх, уламжлал, үндэсний соёл, ёс заншлын мэдлэг, хүмүүжил олгох, суралцагсадад эх оронч үзэл төлөвшүүлэх хөтөлбөр боловсруулж хэрэгжүүлнэ.

2.2.2 Хүүхдэд бие, бялдар оюуны өв тэгш хүмүүжил олгох сургалтын хөтөлбөр сургуулийн материаллаг орчныг бүрдүүлэх, төрөлжсөн танхим-лаборатори, соёл урлаг, спортын иж бүрэн цогцолбортой **байх хэтийн төлөвийг боловсруулна**.

2.2.3 Хүүхдэд 7-15 насанд багш төвтэй сургалтаар, 16-18 насанд мэргэжлийн сургалтаар бүрэн дунд боловсрол заавал олгох тогтолцоонд бүрэн шилжиж, сургууль завсардлыг үгүй болгоно.

2.2.4 Багш бэлтгэх, тэдний мэргэжлийг дээшлүүлэх тогтолцоог сургууль, аймаг, нийслэл, улсын хэмжээний гэсэн бүтэцтэй болгож тасралтгүй ажиллагааг нь хангана. Чанар мутай сургалтаас иргэдээ хамгаална.

2.2.5 Оюуны өндөр чадамжтай, гоц авьяас билигтэй оюутан сурагчдад төрөөс дэмжлэг үзүүлж сурх орчин нөхцөлөөр хангана.

2.2.6 Аймаг, нийслэлийн бүх шатны сургууль цэцэрлэгийн барилга, тоног төхөөрөмж, тавилга хэрэгсэл, сургалтын орчныг сайжруулах хөрөнгө оруулалтыг эрс нэмэгдүүлж, сургалтын тохилог орчин бүрдүүлнэ.

2.3 ШИНЖЛЭХ УХААН, ТЕХНОЛОГИ, СОЁЛ УРЛАГ, ШАШИН

2.3.1 Шинжлэх ухаан, технологийн тэргүүлэх чиглэлүүдийг улс орны бүсчлэн хөгжүүлэх үзэл баримтлал, бүтцийн бодлогод нийцүүлэн шинэчлэн тодорхойлж, суурь болон хавсралаанд зарцуулах хөрөнгийн зохистой харьцааг тогтооно.

2.3.2 Шинжлэх ухаан, үйлдвэрлэл, боловсролын уялдаа холбоог оновчтой болгож, шинжлэх ухааны тэргүүлэх чиглэлээр нарийн мэргэшсэн судлаачид бэлтгэх, залуу **эрдэмтдийг дэмжих өнөөгийн бодлогыг боловсронгуй болгоно**.

2.3.3 Шинжлэх ухаан, технологийн мэдээллийн нэгдсэн сүлжээ, сан бүрдүүлж төрийн хамгаалалтад авна.

2.3.4 Нуудэлчний өвөрмөц нандин түүх, соёл, урлаг, уламжлалын өвийг хадгалан орчин цагийн ололтоор баяжуулан хөгжүүлэх зорилт тавина.

2.3.5 Сонгодог болон хүүхдэд зориулсан урлагийг төрөөс дэмжин хөгжүүлнэ. Ардын дуу хөгжим, тоглоом наадгай, урлаг болон уран дархны арга зэрэг соёлын өвийг хадгалан өвлүүлнэ.

2.3.6 Түүх соёлын зүйлийг сэргээн засварлах бүтцийг бий болгох, мэргэжилтэн бэлдэх тогтолцоог бүрдүүлэх замаар сүм хийд болон бусад түүх соёлын өв, байгууламжуудыг хуучин дэг жаягаар нь засварлах, **хамгаалах эрх зүйн орчныг бүрдүүлнэ**.

2.3.7 Номын сан, музейн сан хөмрөгийг арвижуулан үйлчилгээний шинэ хэлбэр, хадгалалт хамгаалалтын шинэ технологийг үе шаттай нэвтрүүлнэ.

1117145633
УХА0612 907727

С. А.



2.3.8 Уламжлалт шашин, зан үйлийн өнөөгийн байдлыг үнэлж, шашны байгууллагад тавих хяналтын тогтолцоог бий болгоно.

ГУРАВ. НИЙСЛЭЛД ХЭРЭГЖҮҮЛЭХ ЗАРИМ АРГА ХЭМЖЭЭНИЙ ТАЛААР

- 3.1.1** Нийслэлийн суурьшлын бүсийг зохист байдлаар төлөвлөнө.
- 3.1.2** Нийслэл хотын хог хаягдлын менежментийг боловсронгуй болгон.
- 3.1.3** Нийслэл хотын автозамын түгжрэлийг бүсчилсэн хөгжлийн бодлоготой уялдуулан шийднэ.
- 3.1.4** Төрөөс хэрэгжүүлж байгаа эрчим хүчний бодлогын хүрээнд нийслэл хотыг хямд эрчим хүчээр хангах замаар агаарын бохирдлын асуудлыг шийднэ.
- 3.1.5** Нийслэл хотын хүн амын механик өсөлтийг зохистой харьцаанд байлгах бодлого боловсруулна.
- 3.1.6** Нийслэлийн хот төлөвлөлтийн ерөнхий төлөвлөгөөг хянан.

**МОНГОЛ УЛС
МӨНХӨД МАНДАН БАДРАГ**